


Coworking

Un espai de treball compartit

Deseme 2024



Conselh Generau d'Aran



Introduccion: d'a on venguem?

Eth 30 d'agost de 2022 dauric es sues pòrtes eth coworking de HèPic, damb er objectiu d'èster **un espaci pròxim, confortable e ben equipat** ath servici des trabalhador e trabalhadores en remòt, autònoms/es e emprenedors/es qu'apòrte un **fluxe de grana diversitat de perfils professionaus** ar ecosistèma d'innovacion, autan coma, entà convertir-se un **punt de fixacion de talent en territòri**.

HèPic, eth centre d'innovacion territorial deth Conselh Generau, a coma principau propòsit era **diversificacion deth modèl economic** d'Aran entà redusir era dependéncia d'un solet sector **a traués dera innovacion**.

Laguens d'aguesta estrategia de transformacion territorial e socioeconomica, era metuda en funcionament d'un **espaci de trabalh compartit ei un element indispensable pr'amor de diuèrsi motius**:

1. Flexibilitat Orària



Un des principaus beneficis deth coworking ei era flexibilitat qu'aufrís as professionaus, en tot èster **dubèrt toti es dies dera setmana es 24 ores**, permetent as personas usatgères trabalhar en moment qu'ac an de besonh **ajustant-se ara diuersitat d'oraris e as responsabilitats personaus**, en tot facilitar era conciliacion dera vida laborau e personau.

Aran coma territòri de montanha, compde damb ua **grana possibilitat decompaginar era realizacions** d'espòrts coma eth senderisme, er esquí, er snowboard, eth ciclisme, etc. Aguesta proximitat damb un entorn naturau privilegiat facilite era practica d'aguestes activitats hènt possible es entrenaments damb pòc temps de desplaçament e **milhorant era qualitat de vida des personas** pr'amor der increment deth temps d'activitat fisica diària.

Autan coma, aguesta flexibilitat orària supòse un important benecifi ara ora de **equilibrar e gerir es responsabilitats dera vida familiau** damb es dera vida professionau.

Introduccion: d'a on venguem?

2. Ubicacion



Er hèt de qu'eth coworking sigue plaçat en **centre de Vielha** ei especiaument beneficiós pr'amor qu'ei **pròxim ara majoria de punts d'interés, administracions, comèrci e servicis d'Aran** as que s'i pòt arribar a pè en tot hèr senzilh eth desplaçament e redusit notablement eth temps des d'arribada ath lòc e retorn deth trabalh.

3. Espaci public e gratuit



En èster un espaci gerit e **dinamizat dirèctament per ua entitat publica HèPic**, deth Conselh Generau d'Aran, aufrís ues **installacions e uns servicis** a tota era ciutadania, tant residents coma visitaires, **de forma gratuita**.

Aguesta decision politica se honamente ena volentat d'**ajudar a redusir es despenes** de loguèr d'oficines, servicis e equipament qu'an d'assumir es persones emprenedores que dificulte fòrça er auanç des sòns negòcis. Hènt que sigue fòrça **mès senzilh començar a bastir ua empresa** en territòri damb aguesti còsti cubèrti en tot promòir era **creacion e innovacion en nau sectors**.

Ath delà des servicis basics mensuaus e de neteja der espaci, d'auti còsti associadi coma son eth **manteniment e reparacion** d'aguestes oficines son tanben **assumidi peth Conselh Generau** en tot suposar ua importanta reduccion des despenes en generau entàs treballadors e treballadores deth **coworking** a qui supòse ua **opcion plan asequibla**.

D'aguesta forma, cercam balhar era **igualtat d'oportunitats ara ora d'empréner** e innovar a personas de toti es nivèus socioeconomics, en tot aprofitar er immens talent de tot eth capital uman d'Aran.

4. Sinergies e desenvolopament professionau



Compartir un lòc de trabalh damb professionaus de sectors disparièrs ei ua forma excellenta de **milhorar es abilitats e coneishements**, autan coma d'**ampliar er hilat de contactes e crear naues connexions** aprofitant es beneficis des sinergies creades. Son nombroses es collaboracion professionaus que dejà s'an creat en coworking de HèPic, pr'amor que en èster entornejadi de personas damb apititids e experiéncias laboraus diferents permet un **intercambi de idèes e s'establisson vincles de gran valor professionau**.

Introduccion: d'a on venguem?

5. Major productivitat e motivacion



Eth trabalh en remòt e era emprenedoria ei soent plan solitari s'era activitat laborau se realze en casa, en tot hèr **difícil eth compliment der orari, era gestion deth temps, era concentracion e productivitat.**

Ei per aquerò que trabalhar en un ambient de **coworking** **augmente fòrça era motivacion** e era energia pr'amor d'èster en companhia de d'auti professionaus ena madeisha situacion damb es que poder compartir espaci. Somat a qu'er hèr d'auer sales d'amassades qu'es usatgèrs pòden sollicitar entà auer confidencialitat e privacitat des sòns prètzhèts professionaus.

Ath delà, separar es espacis de vida laborau e personau permet ua major organizacion e incremente notablement dera productivitat en tot auer ua atmosfera de tranquillitat e ambient de concentracion permetent complir es tòns objectius professionaus de forma mès eficienta e efectiva damb mens distraccions.

Introduccion: Eth coworking de HèPic

Eth coworking de HèPic, plaçat ena Ctra. de Gausach, 1, baishi de Vielha, en plen centre deth cap-lòc dera Val d'Aran.

Enes aguestes **installacions** deth coworking dispausam de:

- 16 lòcs de trabalh damb escritòris compartits
- Conexion a internet damb fibra optica
- Ua impressora
- 3 sales entà hèr amassades
- 1 banh
- 1 office damb nevera, microondes e cafetèra

Dues modalitats d'accès, damb procediments administratius diferenti:

- **Plaça fixa (10 places disponibles):** mès de 15 dies d'usatge deth coworking
- **Temporau:** mens de 15 dies

Balanç annau: donades de 2024

PLACES FIXES



Enguan, **era totalitat de places fixes, 10 persones, s'an cubèrt** damb 3 òmes e 7 hemnes, 4 persones autònomes e 6 trablhadors e trabalhadores en empreses de dehòra d'Aran mès que sòn residents.

Sonque 2 des persones qu'accedissen ath coworking en modalitat de longa estada son naishudes en Aran, per tant, eth **80% son nauvengui que cerquen un espaci de trabalh compartit** entà bastir relacions sociaus e un hilat de contactes. Mès a mès, preferissen trabalhar en un endret diferent deth lòc de residència entà disminusir era possibilitat de procrastinacion des ahèrs professionaus treballant en domicili.

Aufrir aguest servici d'oficina compartida diària as treballadors e trabalhadores residents en Aran **incrementa fòrça es opcions de que perfils especializadi s'establisquen en territòri** pr'amor que permet teletrebalhar entà empreses damb un naut nivèu tecnic a distància. Tanben, eth format d'espaci constantament dubèrt facilite trabalhar damb empreses de d'auti païsi damb diferéncias oràries, plan freqüent en multinacionaus.

Ei important ahíger, que tal e coma indiquen es donades, eth **70%** de persones qu'utilizen eth coworking de **longa estada son hemnes**, demostrant qu'en 2024 er espaci a sigut majoritariament utilizat per persones d'aguest genre.

PLACES TEMPORAUS



En 2024, auem tramitat un amàs de **68 sollicituds**, 36 hemnes e 32 òmes entà poder utilizar eth coworking de forma **temporau**. Aguest fluxe de visitaires s'a incrementat fòrça enes **sason d'iuèrn e ostiu**, en tot coincidir damb es periòdes de **major percentatge de toristes** en Aran. Aquesta tendéncia indique qu'aguesti usatgèr e usatgères an **compaginat es sues vacances damb es responsabilitats laboraus**.

Tanben, pendent es **competicions d'espòrts en montanha s'a produxit un increment enes sollicituds de cuerta duracion** demostrant qu'aguest espaci facilite era participacion en aguesti eveniments en tot ajudar a conciliar es aficions damb era vida professionau e personau. Mès a mès, **persones damb dusau residència en territòri an freqüentat eth coworking** alongant era sua estada.

Balanç annau: donades de 2024

PROGRAMA CATALUNYA RURAL HUB ARAN EN COWORKING

Deth 14 ath 27 d'octobre, eth coworking siguec eth lòc de trabalh des participaires deth projècte Catalunya Rural Hub Aran entàs que s'abilitèc un des espacis, era aula de formacion.

Aguest programa permetec a **10 persones damb intencion d'installar-se en un territòri de montanha poder hèr ua pròva pilòt en Vielha** en tot descorbir es facilitats de trabalh en remòt en coworking damb bones installacions e connectivitat. Aguesti 10 treballadors/es an un perfil professionau molt especializat e tecnic, dedicant-se eth **90% a activitats restacades damb es naues tecnologies** coma son es enginheries, era informatica, es telecomunicacions o era ciberseguretat.

Tanben, podèren conèisher es **beneficis de viúer en Aran** a trauès de **visites** organizades damb es responsables des **principaus enterprises damb base tecnologica** en tot participar en un programa d'activitats socioculturaus e en miei naturau entà experimentar en primèra persona era realitat de teletraballar ena Val d'Aran.

CONCLUSIONS



Tant es **places fixes coma es sollicituds de cuerta duracion an incrementat respecte der an anterior** augmentant eth fluxe d'usatgèrs e usatgères d'aguest endret de trabalh compartit.

Totun, es limitacions d'espaci damb un **màxim de 16 persones** treballant amassa e 3 sales entà hèr amassades de forma simultània, autant coma era volentat de priorizar eth confòrt e benèster des actuaus membres que diàriament utilizen es installacions, compòrte que s'age **limitat era publicitat** e promocion d'aguest servici entà non colapsar es oficines. En aguest sens, s'a complit er objectiu d'atrèir poblacion aufrint aguest servici as abitants en tot retier eth talent, çò qu'a generat dinamiques e sinergies entre es persones que tot soent hèn ús d'aguest espaci e que se pretenen conservar **evitant era massificacion deth coworking**.

Entàs **visitaires ei un factor ara ora de decidir destin toristic** ja que permet major flexibilitat e comoditats entà alongar es vacances poden teletraballar.

Guardada de futur: a on vam?

De cara ar an 2025, eth propòsit dera equipa de HèPic ei implementar **nauetats que poguen milhorar es condicions e era seguretat des persones usuàries** deth coworking. Ei per aquerò que mos auem mercat diuèrsi prètzhèts a complir:

DIGITALIZACION DER ACCÈS



A dia d'aué entà entrar enes oficines deth coworking ei de besonh ua clau fisica, çò que compòrte diuèrsi problèmes de contròle e de seguretat.

Ei per açò, qu'era intencion ei **instalar un panh intelligent** ena pòrta d'entrada e gessuda deth coworking entà poder auer un registre informatizat e a temps reau des persones que hèn ús d'aguest espaci. Ben damb ua aplicacion mòbil o damb un còdi de seguretat que se facilitarà as persones qu'accedissen de forma temporau.

Aguesta mesura que se vò implementar a coma propòsit poder auer un registre detalhat der accès ath coworking en tot evitar que poguen entrar persones sense eth consentiment peth personau responsable e preservar era seguretat des membres deth coworking.

INCREMENT DERA CIBERSEGURETAT



S'incorporarà un apartat sus protòcols de ciberseguretat en reglament deth coworking que totes es persones usuàries auràn de signar, tant es fixes coma es temporaus, en quau s'i especifiquen un amàs d'indicacions entà assegurar era preservacion dera privacitat informatica.

MILHORA DES INSTALLACIONS

Pendent eth 2025 se vò **reformat er office entà instalar un petit lauadèr e milhorar era igièna der espaci**. Tot soent es persones usuàries utilizen es installacions entà minjar abantes de repréner es sues obligacions laboraus. Ei per açò, que se vò adequar era petita codinar e facilitar era neteja dera madeisha.



Conselh Generau d'Aran



Finançat per:



GOBIERNO
DE ESPAÑA

MINISTERIO
PARA LA TRANSICIÓN ECOLÓGICA
Y EL RETO DEMOGRÁFICO

SECRETARÍA GENERAL
PARA EL RETO DEMOGRÁFICO